



24.april 2019

UPA2019/171

Ilagiit naalagaaffiup tapersersugaasa avataatigut upperisaqatigiit allat pillugit inatsisissaq pillugu danskit Naalagaaffiup oqartussaataannut Naalakkersuisut saaffiginneqqullugit peqquneqar-nissaat siunertaralugu Inatsisartut aalajangiiffigisassaattut siunnersuut

(Inatsisartunut ilaasortaq Aleqa Hammond, Nunatta Qitornai)

Ilagiit Kalaallit Lutherikkuusugut avataani ilagiit allat upperisaqatigiit pillugit siunnersuuteqartup danskinut oqartuissaasuinut saaffiginneqqusivoq peqqullugit Upperisarsioqatigiit ilagiit avataaniittut inatsisip atuutilersinneqarnissaa pillugu.

Naalagaaffiit Peqatigiit inuit pisinnaatitaaffii pillugit nalunaarutaat Nunatsinnit atuuttussaataavoq, uanilu aamma qanorluunniit upperisaqarsinnaanermut tunngasutigut. Tamanna inuiaqatigiisugut piffinni ilaanni ersarinnerusumik ilaannilu annertuallaanngitsumik takusarpavut allanik upperisallit nunaqqatigalugitigit, ajornaquteqanngitsumik. Akaareqatigiinneq innuttaaqatigiinnerlu upperisap allaaneruneranik tunngaveqanngitsoq misigaarput, aammalu taamaattussaavoq.

Siunnersuuteqartup tunngavilersuuteqarnermini oqaatigaa ullumikkut pissusiusutut innuttaaqatitta ilaat allatut upperisaqartut iivangilistitut lutherikkuusunut Kalaallit Nunaannit ilagiinnut ilaanngitsut, inatsisitigut illersugaanngitsut immikkut akuersissuteqarnikkut katittarnermut, ilisarnermut imaluunniit allatigut upperisarsiortutut katersuuttarnermut atatillugu.

Nuannaarutigaarput Naalakkersuisut sulilluarnermikkut aamma ilageeqarneq pillugu suliniutit amerlasuut ingerlakkaat, uanilu immikkut erseqqissaassutigineqarpoq inunngortunik toqusunillu nalunaaruteqartarneq, ilisinerit iliveqarfiillu pillugit Inatsisartut inatsisaat nr. 13, 6. juni 2016-meersoq periarfissaqartitsimmat iliveqarfinnik pilersitsisinnaanermut Kalaallit Nunaanni Ilagiinnut ilaanngitsunut. Katititsisarneq pillugu upperisarsioqatigiit immikkut akuerineqartumik katititsisarsinnaareerput, pisinnaatitaaffillu upperisarsioqatigiinnut tamanut atuuttoq periarfissaareerpoq ullorlu manna tikillugu immikkut akuersissuteqartoqarsimavoq ataasiakkaanik, tamannalu atortuulersinneqarneq januaarip 1-annit 2018-mit atuutilersinneqarsimavoq tassa suli nutaajusorujussuuvoq.

Naalakkersuisut sulinerminni danskit kirkeministeriaqarfiat suleqatigereerpat inatsisit maannamut atuuttut pillugit aammalu inatsisitigut atugassarititaasut nalilersorneqarnissaat, qulaajarneqarnissaat suliniutigigaat assut iluarisimaarnarpoq. Neriuppunga uani aamma periarfissaq naalakkersuisut atorluarumaaraat kalaallit Danmarkimiittut ilagiit kalaallisut anersaakkut isumassorneqarnerata nukittorsarneqarnissaannut sulineq ilungersuukkumaaraat.

Nunatta Qitornai

Inatsisartuni



Nunatsinni danskisut oqaaseqarlutik anersaakkut isumassuineq annertoq ingerlanneqarpoq pissusissamisoortutut isigalugu aningaanut inatsit aqutigalugu sulingatta, tamannali killormuanit Danmarkimi nukittuumik inisissimanani.

Siunnersuut ilalinngilarput Naalakkersuisut tunngavilersuineratuut pisariaqartussaammat pissutsit assigiinngitsut ersarinnerusumik qulaajaavigineqarnissaat, siunissami upperisarsiornermik ingerlatsisunut atatillugu qanoq aqissuussisoqarnissaa isummorsorfigisinnaannngortinnagu aammalu nunatsinnit Danmarkimut saaffiginnittoqareemat.